


8

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
JUL 29 1946

T 2820 / 0 / 62

欽定廓爾喀紀畧

卷十一
之十二



Harvard College Library Imaging Services <http://imaging.harvard.edu>

欽定四庫全書

十二月朔二日寅

舒谷據稱謂之

一路水雪甚大

往來悉皆推

大雪多致

心悔

欽定廓爾喀紀畧卷十一

哈佛大學漢和
圖書館珍藏印

十二月初二日

壬寅

福康安奏言竊

臣

接勒保奎

呈上舒咨據稱詢之蒙古番子通事人等僉稱青海

一路冰雪甚大柴草無從采覓貿易人等冬令

聖恩往來悉皆攜帶乾糧沿途放馬緩程行走設遇

大雪多致耽延阻滯此次赴藏均係長行馬匹

若每日必須牧放難以兼程等語

臣

伏查所詢

西寧口外草地情形行走固屬艱難然道路尚
不致阻隔貿易既可往來臣等卽能前往臣蒙

聖恩委以軍旅重任寧敢稍憚艱辛轉生退怯前在

京時親見

皇上宵旰焦勞以青海道近而平且西寧二字語識

吉祥

特命自西寧出口由青海早抵藏地若該處萬難行

走臣自應據實直陳奏請改道斷不敢遷就拘

泥貽誤事機今勒保奉舒所言不過柴糞無從

采覓長馬難以速行若非連遇大雪中途想不

致稽阻勒保等現已將馬匹口糧妥爲備辦蒙

古札薩克等亦皆感激

天恩爭先趨事

臣

一到西寧檢點裹帶物件卽可輕

裝出口近日天氣清明過蘭州後轉覺和暖爲

向年邊地所無事機順遂已兆於斯臣再三詳
察情形仍以由青海一路前往爲是若此時因
行走稍艱復自西寧改道由川省赴藏計程共
九千五百餘里而西寧至藏程途現據勒保等
安設臺站詢問熟悉路徑之人實有四千一百
餘里彼此相較遠近遲速不啻倍蓰卽使邊外
草地冬令間遇風雪尋覓有草地方牧放長馬

或不能每日兼程而約計抵藏日期較之回赴
打箭爐前進往返紆遲總可早到一月臣現已
行抵平番卽日可達西寧出口後自當倍加勩
勉儘力趨行以期早至西藏預籌進剿奏入

上命軍機大臣傳諭福康安鄂輝成德曰前因勒保
奏青海出口一路冰雪較大柴草維艱途中恐有
阻滯是以降旨令福康安到西寧後與勒保奎舒

面商定議若青海一路勢難行走卽改道仍由四川赴藏然朕屢向軍機大臣言及以福康安素性勇往急公能耐勞苦如青海道路稍有可通伊必不辭辛苦仍由青海前進今覽奏果與朕言適相符合且稱蘭州一帶氣候較往年和暖此實

上天垂佑額慶之餘益深敬感現在福康安旣堅持定見由青海一路進發嗣後所降諭旨俱由四川馳

遞青海一帶已令勒保無庸安設臺站俟明春官兵過竣再行隨後設站安臺又前令海蘭察到西寧後卽將所帶巴圖魯侍衛章京等暫駐西寧俟烏什哈達岱森保所帶索倫達呼爾兵到齊後一同管領進發今福康安旣由青海行走抵藏較早而勒保所備馬匹過多現在尙有三千餘匹儘爲寬裕其暫駐西寧等候分起帶兵之巴圖魯侍衛

卷十一
四
章京等福康安酌量情形如有應須帶同前往以
備差委之處先帶一起半起同行預備軍前効用
更爲得力如無可用處仍令其暫駐西寧等候索
倫官兵一同進發更可節省馬力

上命軍機大臣傳諭勒保曰此次所派索倫等兵不
過一千名騎馱馬匹三千已足敷用今青海蒙古
等已辦馬三千匹又預備一千五百匹爲數已多

勒保乃又於各營內預備馬千餘匹又令阿拉善
王旺親班巴爾辦馬一千匹實爲多事試思一千
餘名之兵何需馬至七千餘匹之多况索倫兵于
本月二十間始能至京及至西寧已須二月初間
此項馬匹若於月內齊到西寧並無牧廠餵養反
致瘦損辦理尤爲錯悞勒保著嚴行申飭仍交部
議處所有青海蒙古等預備馬匹除留存三千匹

備用外餘俱著速行停止朕平時撫卹內外各扎薩克蒙古等惟使安樂得所不肯稍致勞瘁此次因剿辦廓爾喀官兵經西寧行走需用馬匹不得不交青海蒙古等備辦是以前經降旨特令照從前採買價值給與以昭體卹蓋青海蒙古等非內扎薩克可比牲畜不甚充餘現當天寒雪大牧廠平常之際備辦三千匹卽不能不形拮据乃又令

多爲預備實爲勞苦已甚朕心深爲不安勒保接奉此旨著曉諭青海衆扎薩克等以爾等所辦馬匹甚屬妥速急公奮勉皇上極爲嘉悅今止需用三千匹餘俱無庸預備其三千匹亦且不必卽時送來俟官兵將至西寧再行調取並於其來時卽照數給價毋使稍有擾累

臣等謹案我

皇上柔遠懷侯無微不至各扎薩克蒙古服屬既久
百數十年來沐浴

恩澤至深極厚是以人思效順各激發於不自知此

次因剿辦廓爾喀官兵經行西寧需用馬匹

諭令青海蒙古等備辦自無不踴躍爭先計時集事

而

聖慈體卹厘厘於拮据之情諄諄於擾累之戒既量

百優以給值復規額而減調

飭大吏辦理之非

申嘉獎勞苦之意逃聽

溫綸有不憬化而忻悅者哉

初七日

丁未

成德奏言竊

臣

前奉

諭旨令

臣

帶同現到兵丁迅速追趕探明賊匪遁回

必經之路伏兵邀截痛加剿殺等因仰見

聖訓明切實深感悚臣前於寧多途次知定結尙有

賊匪佔據當經一面督催現帶官兵星夜遄行

一面譯諭賊匪牽制其心使之久留臣隨即單

馳僂行於十月二十六日行抵前藏卽令總兵

穆克登阿先赴後藏一帶探詢賊情及圍繞邀

截道路隨挑派藏內之兵並飛催後起屯練五

百名以便迅速前進乘機剿殺茲據防守江孜

遊擊烏爾公阿防守定結都司嚴廷良申報佔

據定結賊匪數百餘人聞知大兵已到於十一

月初一日夜間奔出經該都司及戴琫帕覺拉

康帶兵撲殺賊匪十餘人餘賊逃竄等語並據

前藏噶布倫格桑納木結等抄呈接得由賊境

出來之札薩克喇嘛信內稱該喇嘛與噶布倫

二人在廓爾喀地方同廓爾喀王子並紅帽呼

圖克圖見面說明於十二月差大頭人到交界
濟噠地方同兩個噶布倫並紅帽二呼圖克圖
講說明白各安住牧永遠不得返悔該扎薩克
喇嘛於九月初一日自廓爾喀起身隨帶扎什
倫布喇嘛薩迦喇嘛二名並扎什倫布第巴等
一路出來該處大頭人瑪木撒野之弟名哈撒
達蘇必達等十人送至聶拉木該扎薩克喇嘛

因患病行緩於九月二十九日始到脅噶爾之
洛洛塘現患腿痛不能卽來該扎薩克喇嘛先

寄信與前藏噶布倫等語

臣

查賊匪以邊外番

夷輒因微嫌妄逞滋擾一聞大兵將到卽望風
逃竄今雖將扎薩克喇嘛送出而噶布倫等尙
留在巢敢稱定期說話各安住牧等語更屬狂
吠當此賊匪逃竄之時亟應痛加追殺但必須

聲勢壯盛使之喪膽披靡臣晝夜籌思查定結

距前藏十四站喀爾達在脅噶爾之南距脅噶

爾二站脅噶爾距前藏二十二站賊匪逃竄已

經數日相去愈遠再連界之興薩及第哩浪古

聶拉木均有賊匪接續今臣現帶之兵僅三百

餘名後起屯練五百名不能即時趕至而唐古

忒兵又不甚得力若帶領前進恐兵力無多轉

不足以示威臣現在飛催後起屯練兵丁於此

數日內務必趕來臣即帶領迅速前進探明賊

匪何處逗遛跟踪追殺毋任縱逸如已遠竄亦

必隨處偵探設法牽誘痛加剿殺斷不敢畏難

苟安存因循遷就之見

同日成德又奏言竊查西藏地方漢番交易向

係使用銀鑄番錢每錢一圓重一錢五分從前

欽定四庫全書
卷十一
以紋銀一兩隨時價之低昂可換八九圓至十
圓不等無論大小買賣均以番錢議價交使此
錢俱係廓爾喀所鑄該處鑄錢運藏易銀而回
再爲鑄錢之用迨自今年秋間賊匪滋事該處
銀錢不出藏內存貯無多漢番人等以銀易換
每銀一兩只可得舊錢七圓臣抵藏詢知僅
易六圓尚有居奇之勢若以銀行使買賣人等

又覺不便以致各兵月支鹽菜銀兩糴買食物

甚不足用屢經臣明白示諭令將商上及噶布

倫並漢番人等積貯銀錢概行發出公平易換

但爲數仍屬無多臣留心訪查並詢之達賴喇

嘛濟隴呼圖克圖商上及各處存錢通查僅有

二萬餘銀之錢兼係各處流通使用臣思現在

所到之兵甫三百餘名所用銀錢卽已如此短

缺其後起及續調各兵前來更難易換行使前

奉

諭旨令於剿辦事竣後照內地之例在藏安設鑪座

派撥官匠鼓鑄制錢等因臣再四籌思官鑄制錢

自應俟事竣辦理而現在兵行使用情形又實

拮据似應隨時變通隨詢之達賴喇嘛據稱上

年前輩地穆呼圖克圖在日因藏中銀錢缺少

會鑄造一次通行使用今亦請照上年地穆呼

圖克圖造過樣式令於商上暫爲鑄造以資急

需於兵行食用實爲有益仍俟鄂輝抵藏再加

熟籌辦理至軍糧一事前奉

諭旨令臣等與達賴喇嘛噶布倫等籌辦臣當卽向

達賴喇嘛等宣示伊等皆稱

大皇帝施恩保護派發官兵所需軍餉理宜我等備

辦何況給與價銀自當竭力措辦約尙可得數

萬石等語

臣

復用言勉勵令其作速呈報實數

再行

奏聞又據辦理糧務官員重光呈稱據仲巴呼圖

克圖呈報情願辦糧三萬石以供軍儲

臣

核計

現已辦定軍糧七萬餘石此後達賴喇嘛等既

可復得數萬石極爲充足可以上慰

聖懷均奏入

上命軍機大臣傳諭福康安鄂輝成德曰賊匪前在

定結屯聚聞知大兵將到於十一月初一日夜間

奔逸但聶拉木以外賊匪去路屢據保泰等奏稱

該處一交冬令卽大雪封山是賊匪在定結奔逸

後亦不能竄回巢穴不過在聶拉木濟隴邊界一

帶逗遛株守成德此時自己早抵後藏鄂輝亦接

續可到所帶屯練兵一千名俱已齊集鄂輝成德
正當乘賊匪望風奔竄欲歸無路之時督率兵丁
奮力追剿大示創懲立功自効或賊匪在定結奔
逸後竟退回聶拉木以外希圖竄歸巢穴該處雖
冰雪較大但賊既能行我亦可往鄂輝成德豈宜
帶兵坐守不卽跟蹤追捕耶又成德奏據前藏噶
布倫格桑納木結等接得由賊境出來之扎薩克

喇嘛書信一節前據保泰等奏祇稱噶布倫丹津
班珠爾等被賊拘留此扎薩克喇嘛自亦係達賴
喇嘛所遣或與丹津班珠爾同被裹去着鄂輝成
德查明具奏至賊匪狡獪性成中懷叵測此次扎
薩克喇嘛信內所稱差大頭人至聶拉木與噶布
倫講明各安住牧之語殊不可信安知非賊匪另
有詭謀又似誑誘丹津班珠爾之計亦未可定鄂

金定庫陳略紀略 卷十一
輝成德當預爲留心防範不可令穆克登阿張芝
元輕率前往與之講論致墮賊匪術中鄂輝等更
應慎之又慎再此次自廓爾喀回藏之扎薩克喇
嘛及隨出之喇嘛第巴等均著鄂輝成德畧加詢
問一面錄供具奏一面卽將該喇嘛等派委妥員
概行押解送京以脩實訊更可詳詢賊情至成德
所奏請暫鑄銀錢以資兵丁換易行使已據成德

諭令商上暫爲鑄造此係爲目前兵丁需用起見
亦祇可如此辦理其將來在藏安設爐座官鑄錢
文之處統俟福康安於事竣後歸入善後事宜內
辦理非目前急務也至成德奏籌辦糧餉一事據
稱令達賴喇嘛再行備糧數萬石等語殊可不必
節據孫士毅通盤核算藏內現在存貯及前後採
買已有糧四萬四千餘石尙有牛羊一萬餘隻今

據成德核計共有七萬餘石是藏內糧石已極寬然
 將來支應之外儘有多餘何必再令達賴喇嘛添
 辦此項餘糧存貯日久徒致紅朽且採辦過多於
 達賴喇嘛商上多有擾累著速行停止以示體恤
 初十日庚戌福康安勒保奏言臣福康安於十一
 月二十六日行抵西寧與臣勒保及奎舒接晤
 遵

旨會同熟商查青海一路原有貿易番子往來尋覓

有草地方牧放馬匹即遇微雪仍可牧放惟柴

糞艱於采覓臣勒保又將柴薪炊爨等項趕辦

齊全雇覓駱駝運送以備糞草不足時接濟應

用亦可無虞缺乏臣等以該處道路情形必須

詳詢經行熟識之人方能確實查有跟隨堪布

曩素存留牧馬之瑪景扎什束住布等現在當

噶爾地方臣等傳集詢問據稱每次自藏至西

寧俱係夏間起身沿途牧馬緩行間遇雨雪阻

滯約行一百餘日經過地方並無林木俱係檢

糞燒燃今若裹帶柴薪可備糞草缺乏之用尋

覓有草地地方牧放馬匹冬令亦可行走惟口外

程站甚大長行馬匹不能甚速每日不過六七

十里若遇大雪即須停待等語惟查瑪景扎什

等行走俱在夏令其隆冬風雪情形並未目擊

復傳常赴西藏貿易之青海所屬甲木錯等詳

悉詢問據稱此路貿易往來並無內地民人惟

青海番子常赴西藏貿易我等於冬天走過一

兩次如雪不甚大原可照常行走一遇大雪天

寒不能融化勢須停待數日俟有大風吹散積

雪方可覓路前進惟該處山嵐凝結即成障癘

雪後較之夏間更甚卽如乾隆三十九年曾遇大雪晝夜不止深至丈餘此並非每年常有之事就目下情形而論天氣清明此路實可行走等語復詢之青海扎薩克郡王索諾木多爾濟等所言大槩相同臣等伏思口外地氣較寒冰雪在所不免詳察該蒙古番子等所稱情形不過慮爲雪阻道路並不致隔絕該處既有貿易

番子往來卽可爲冬令能行之明証若此時自西寧改道由再箭爐出口紆迴往返不特程站倍遙而巴塘裡塘等處俱係口外地方山高雪大亦復有碍臣等再四商酌自當經由青海一路行走近日天氣和暖爲西寧邊地所罕見仰賴

聖主洪福途中自可無虞阻滯卽使間遇風雪稍須

聖上停待核之由川赴藏程期總爲捷近不至欲速
反遲現在應用之馬駝帳房口糧柴薪等項

臣

勒保自奉到

諭旨後馳赴西寧設法趕緊籌辦傳到蒙古扎薩克
等多方曉諭安設軍臺雇覓熟悉番子作爲嚮

導

臣

福康安一到西寧早已預備齊全自西寧

至藏口糧俱足敷用連日檢點裹帶分派口糧

並傳集蒙古番子等細加詢問人無異辭竟可

定計行走卽擇於十二月初一日吉期自西寧

出口前進現在西藏賊匪情形總未據鄂輝成

德詳悉奏報惟聞賊匪尙在定結第哩浪古等

處負嵎據險此時大雪封山賊匪進退無路想

鄂輝成德先後趕抵西藏自能痛加剿殺大示

兵威今雖據把總楊登魁同戴琫等在江孜地

金史卷之十一
方剿殺亦未挈獲活賊訊探賊情虛實臣福康

安心甚焦急恨不卽抵該處欽遵

謨訓籌度機宜奮勇直前以振軍聲而寒賊膽出口

後惟有設法償行以期早達西藏籌辦一切據

實迅速奏

聞仰慰

聖懷至奎舒前奉

諭旨令隨臣福康安出口青海是其所轄呼應自屬

較便但現在裹帶等事業已齊全奎舒隨同出

口並無應辦之事索倫達呼爾兵丁由西寧赴

藏人數較多所需馬匹最關緊要奎舒駐劄西

寧情形熟悉令在西寧當噶爾一帶往來照料

方爲妥協若令隨往青海交界再回西寧計算

日期已屬不及臣福康安現在告知奎舒令其

毋庸隨往

福康安勒保又奏言查口外各處臺站臣勒保

前奉

諭旨業經遣人躡探道路妥為安設若臣福康安改

道赴川當暫行撤回今已定計由西寧出口自應

仍前安設查西寧至藏道路遙遠與其到藏後

再行逐站安至西寧莫若查照雍正年間舊例

自西寧以次安設令鄂輝等酌派在藏之理藩

院明幹章京於藏內管轄地方安設臺站直接

青海交界但恐西藏現在需兵剿賊不能派撥

赴臺以致兵分力薄萬一各臺安設未齊聲息

仍不相通臣等詳悉熟商臣勒保不敢因畛域

區分稍存推諉現已會同酌派將備弁兵裹帶

口糧前往如西藏安臺尙未齊全卽令隨處安

設庶使文報往來不致阻隔可以早邀

聖鑒其應需馬匹口糧糞草俱已先期運往斷不致

稍有短缺總期郵置傳送無悞遑行再查青海

扎薩克郡王索諾木多爾濟等因辦理馬匹現

在西寧臣福康安於接見時面加獎勵據索諾

木多爾濟稱我等仰受

聖恩至為深重毫無出力今廓爾喀滋擾後藏

特派將軍進剿原因護衛黃教起見分應力圖報効

前經挑備馬匹復荷

恩慈優給價值下懷尤切難安此時馬匹俱已辦有

頭緒惟新設臺站例有屬下蒙古等坐臺距我

游牧地方不遠現在前赴各臺就近稽查以免

貽悞等語臣福康安見其言詞肫切出於至誠

告以爾等感激

天恩勉思報稱具見惓忱卽當代爲具奏自必仰邀
恩獎均奏入

上命軍機大臣傳諭福康安勒保奎舒曰前因勒保
奏青海出口一路冰雪較大柴草維艱途中恐有
阻滯是以降旨令福康安到西寧後與勒保奎舒
面商定議若勢難行走卽改道仍由四川赴藏但
朕已料及福康安素性勇往急公能耐勞苦雖有

旨令其酌商改道而福康安仰體朕早夜焦思欲
早得衛藏實在情形方慰厯注如青海道路可以
行走福康安必不辭辛苦仍請由青海前進今福
康安一到西寧卽將青海道路訪詢確切定於十
二月初一日吉期起程前進與朕心適相符合實
能仰體朕懷克副委任嘉慰不可言喻且摺內稱
近日天氣和暖爲西寧邊地所罕見此實

上天護佑之嘉兆曷勝額手感謝看來事機順利明春
大舉進剿定能速奏膚功從此得以稍紓馳厯迓
歲迎祥欣慰之餘有何可諭至勒保奎舒於福康
安未到之先將應用駝馬帳房口糧柴薪等項設
法趕緊籌辦並安設臺站雇覓熟悉番子作爲嚮
導福康安一抵西寧得以定期遄發所辦俱屬可
嘉又據奏現在應用之馬匹駝隻等項經勒保設

法趕辦傳到蒙古扎薩克等多方曉諭安設軍
臺均已預備齊全等語前因索倫達呼爾兵前抵
西寧尙需時日曾經諭令勒保等青海一路此時
且無需設站安臺今青海扎薩克郡王索諾木多
爾濟等於福康安接見時據稱情殷報効該處新
設臺站例有屬下蒙古等坐臺距伊等游牧地方
不遠請赴各臺就近稽查等語該扎薩克等踴躍

急公言詞肫切實屬可嘉特發去大小荷包交勒保奎舒轉行賞給以示鼓勵其駐劄各站蒙古官兵俱照綠旗官兵之例賞給鹽菜口糧其餘在事出力之扎薩克以上王公台吉著一併查明具奏另行分別獎賞至海蘭察等前經諭令暫駐西寧俟烏什哈達岱森保所帶索倫達呼爾兵到齊再行管領進發嗣因勒保所備馬匹甚多復經降旨

令福康安酌量情形或將分起帶兵之巴圖魯侍衛章京等酌帶一起半起先行赴藏以備軍前效用今福康安奏勒保預備馬匹儘屬寬裕又節據奎舒奏已令扎薩克辦馬共五千匹茲福康安抵西寧後復告知奎舒以現在乘坐馬匹爲數不多令奎舒將預備馬匹存下等候索倫達呼爾兵到時騎用是該處所備馬匹已屬寬然有餘與其留

存等候徒費喂飼莫若令海蘭察及巴圖魯侍衛
章京等毋須駐劄西寧卽於此時接續前進伊等
不過一百餘人卽加以跟役人等所需騎用馬匹
亦無須用至一千之多而隨後遄行可期及早抵
藏彼時賊匪或尙在邊界逗遛卽可令海蘭察等
帶領官兵跟蹤剿殺更爲得力計此旨到時福康
安已由青海行走二十餘日該處道路情形及氣

候光景自已可悉一切卽着福康安細加酌量如
青海一路可以通行無阻卽飛咨勒保告知海蘭
察等令其無須駐劄西寧等候官兵一同起程前
進或作爲一起行走或分作數起俱無不可總以
計算馬力酌量行走此事惟在福康安相度情形
自行定奪咨明辦理

上諭內閣曰前因勒保辦理西寧馬匹過涉張皇慮

其擾累各蒙古游牧是以降旨將勒保議叙撤回
並交部議處茲據福康安奏稱行抵西寧所有馬
匹駝隻鑼鍋帳房口糧柴薪等項早經勒保奎舒
籌備齊全足敷應用是此次所需馬匹該蒙古等
爭先趨事極爲踴躍已另降諭旨特加獎賞勒保
奎舒所辦馬匹駝隻先事預籌不特無擾累情事
而預辦軍裝口糧安設臺站一切事宜俱極迅速
妥協所有勒保前此議處之處卽行寬免仍給與
議叙以示獎勵至藩司景安此次隨福康安安設
臺站沿途照料亦著加恩賞戴花翎

欽定廓爾喀紀畧卷十一

欽定廓爾喀紀畧卷十二

十二月十二日壬子鄂輝成德奏言臣鄂輝於十

一月十四日行抵前藏頭起屯番五百名亦於

十六日到齊臣成德即日帶領前進據防守定

結都司嚴廷良稟報因賊匪於十一月初一日

由定結逃竄隨即帶領漢番兵丁追殺鎗斃賊

匪數十名生擒賊匪十一名並搶獲牛馬等件

賊匪由色爾一帶逃竄等語所稟是否屬實

臣

成德卽日前往確查並就近將現獲賊匪訊取

供詞再行據實奏

聞請十六日准

旨辦理

臣

等伏查定結一路之賊業經官兵邀截追

殺足挫其鋒惟聶拉木等處尙有賊匪佔據現

經總兵穆克登阿前往後藏一帶密探賊勢道

路情形並聲言代爲清理債務藉以牽連久住

大兵一到正可相機剿殺惟查賊匪素皆畏寒

此次自後藏退回佔據如此之久殊覺可疑因

遍加訪問咸稱本年九十月間該處並未下雪

氣候較溫是以唐古忒人現皆傳染出痘卽通

拉山現亦並無大雪因此賊匪得以在彼久住

安知非賊匪罪惡貫盈

天意特故為羈留以待大兵殲戮臣成德現在帶領

已到之頭起屯練並添湊藏內之兵即自前藏

起程馳往邊界偵探賊匪蹤跡相機進剿臣鄂

輝俟前藏查辦事竣催令後起官兵一到亦即

接續前往至賊匪先將扎薩克喇嘛等送出是

明知臣等將到藉此通信冀圖剖斷清還舊欠

此等伎倆總不出

聖明洞鑒之中臣等惟有堅持定見務將賊匪痛加

勦洗以示懲創至前被賊匪誘去之丹津班珠

爾及教習兵丁等尚在廓爾喀地方因何祇將

該喇嘛等放出之處必須臣等面詢札薩克喇

嘛方可得其備細除一面密諭噶布倫班第達

等即作覆信令將丹津班珠爾等及早送出仍

一面令扎薩克喇嘛即速前來迎見臣等面加

詢問實情再行據實具奏

鄂輝成德又奏言查廓爾喀與西藏犬牙相錯

必須探明道路分起進攻臣等現帶屯練及預

派換藏官兵雖有三千餘名然爲數究覺太少

自應遵

旨酌量添調以壯聲威第所調之兵旣須奮勇精銳而又與藏地水土服習庶幾調一兵可多得一

兵之力查川省西南兩路各土司向來感激

天恩遇事奮勉出力而其遵奉黃教敬信尤虔每當

安靜無事之時皆不惜重貲差人赴藏熬茶以

昭誠敬此次賊匪滋事伊等自必憤激爭先急

圖殺賊自效況鄂克什三雜谷綽斯嘉佈布拉

克底巴旺等處土兵屢經行陣其勇健無異屯

兵甲壘一帶及德爾格特等處又素爲廓爾喀

賊匪所畏懼足以震懾其心且該土兵等生長
山陬陟雪登高向稱矯健其平日所食皆係糝
粳酥油服食又所習慣以之打仗駐防在在均
資得力臣等昨接署督臣孫士毅扎商亦以將
來添調兵丁應以上兵爲最等語意見均各相
符現擬于德爾格特綽斯嘉佈三雜谷革布什
咱鄂克什等處各土司內派調土兵五千名此

外如明正巴塘裡塘等處應付烏拉之土司及
附近明正等處幫應烏拉之霍爾等土司概可
不必派調以均勞逸除臣等一面分別譯諭令
其早爲預備外一面卽將派定兵數開單咨明
孫士毅就近專差齎諭前往派調並將統領大
員及熟悉番情之將備員弁預爲派定轉瞬卽
屆臘底春初如蒙

恩允即可飭令該員弁等分起帶領催令于正月初旬各自本處起程所有安家銀兩及應支鹽菜口糧並馱載烏拉均照屯兵之例辦理惟其間道里遠近不一如德爾格特三雜谷等處向來赴藏熬茶均從草地行走此次竟可由草地直至前藏伊等自備烏拉口糧較為便易即可將自鑪至藏應發烏拉脚價並應領口糧等項照

例按名支給令其各由本處自備牛馬口糧馱載行走該番既有應得銀兩自必樂從而口外臺站即可省三千餘兵之應付其由鑪城出口者所需烏拉口糧仍令沿途妥速應付如此分起分途行走亦無虞壅滯大約由臺站行走者三月初可陸續抵藏由草地行走者三月杪亦可到來臣等現帶之兵統計共有八千餘名

軍威極爲壯盛維時交界一帶積雪俱已融化
正可厚集兵力分路直搗賊巢自能一舉成功
靖邊隅而安衛藏

同日孫士毅奏言臣九月間到川經總兵袁國

璜籲請出兵臣曾附摺聲明未蒙其由

恩准此次袁國璜聞明春大舉進勦親赴打箭爐必

欲臣再爲

奏請帶兵臣以續調屯兵二千名業經遵

旨令總兵諸神保管帶前進未便再爲該鎮陳奏而

察看袁國璜神情詞氣萬分迫切實出至誠臣

又不敢壅于上

聞謹再據情具奏應否令伊赴藏帶兵之處伏候

皇上訓示遵行均奏人

上命軍機大臣傳諭福康安孫士毅鄂輝成德曰廓

爾喀賊匪前於滋擾扎什倫布後並不竄回巢穴
皇仍在定結興薩等處逗遛觀望鄂輝成德若能贖
程行走早到二十餘日正可乘機剿捕乃行走濡
滯稽延時日以致失此機會惟當趁賊匪尙在邊
界屯聚之時率領官兵奮力鼓勇直前進剿現在
成德已帶領屯練前往追剿鄂輝亦接續到彼合
兵前進朕惟看伊二人如何奮勉出力立功自贖

耳至所稱賊匪先將扎薩克喇嘛等送出是明知
鄂輝等將到藉此通信冀圖剖斷清還舊欠等語
此項舊欠皆因前次巴忠等辦理不善以致賊有
所藉口滋生釁端今賊匪罪惡貫盈恣意搶佔其
清還舊欠一節豈得復行提及鄂輝成德惟有堅
持定見帶兵進剿將賊匪痛加殲戮大示軍威方
爲正辦又奏請於德爾格等處各土司內派調土

兵五千名令熟悉番情之將備員弁各自本處起程赴藏協勦等語所辦尙好前因停調滇兵已添調索倫達呼爾兵一千又據福康安奏添調屯練兵二千合之藏內原駐官兵並鄂輝成德先後帶領漢屯二千二三百名及先期派往換班兵丁一千二百名共有七千餘名此內添調索倫達呼爾兵一千及續派屯練兵二千名諭旨想鄂輝成德

尙未接到故此次摺內稱祇有官兵三千餘名但明春大舉進勦必須厚集兵力豈有令汝等打仗殺賊而不與多兵之理况福康安於春融進兵采入賊境須帶兵五六千其後路尙須三四千兵力接濟策應于聲勢更爲聯絡現在藏內糧石節據孫士毅奏共存糧四萬四千五百餘石尙有牛羊一萬餘隻足供一萬四五千人一年兵食嗣又據

成德奏後藏已備糧三萬石是前後藏共有糧七萬餘石更屬寬然有餘卽再添派此項土兵亦儘足資供應著准其所請于福康安奏續調屯練兵二千名外再添調土兵三千名以足鄂輝成德所請五千名之數並著孫士毅就近專差分別譯諭各該土司令其早爲預備于正月初旬分起赴藏其統領大員及熟諳番情之將備員弁亦令孫士

毅妥爲派定屆期帶兵前往看來成德鄂輝於此次奏請添兵及籌辦一切事宜較前稍有把握益當倍加奮勉立功自効又據孫士毅奏總兵袁國璜懇請赴藏帶兵一節袁國璜在川年久熟悉番情且曾經出師金川臺灣于打仗殺賊頗爲奮勉今懇請赴藏具見實心自應准其所請著孫士毅于鄂輝成德續調土兵分起赴藏時卽令袁國璜

帶領一起前往交與福康安軍營差遣委用于勦捕較爲得力再原任廣東潮州鎮總兵彭承堯病痊起復來京經朕召見看來其人尙可且曾經出師現已降旨令其馳驛前往四川著孫士毅酌量若帶兵乏員卽令該鎮分帶續調士兵赴藏在軍營委用若因四川總兵張芝元穆克登阿諸神保袁國璜等俱帶兵往藏現在需員署理卽將彭承

堯留于川省署理鎮篆總任孫士毅酌量辦理

上命軍機大臣傳諭直隸河南陝甘四川各督撫曰

前派海蘭察帶領巴圖魯侍衛章京一百員副都

統烏什哈達岱森保分起帶領索倫達呼爾兵丁

一千名前赴西藏俱由內地赴清海一路出口會

降旨令各該督撫將沿途應行備辦事宜妥爲經

理其帶兵官員等如有例外需索等事卽著地方

金史卷之十一
官據實叅奏朕既加恩體恤而沿途各省於一切
應付事宜亦得概從節省因思時屆隆冬該索倫
兵丁等衝寒就道亦當加以體恤著傳諭各該督
撫於該兵丁等過境時所有飯食湯水等項俱應
妥爲預備或於廩給之外給猪羊肉湯飯俾得飽
煖遄行斷不可一任辦差家人等借端侵冒給與
寒冷食物以致有名無實與其將無益之費徒供
帶兵將弁騷擾何如加惠窮苦兵丁得資飽煖較
爲有益也

臣等謹按采薇出車諸篇皆言雨雪行役蓋
天寒涉遠軫恤尤殷

聖人不得已而用兵

體察甘苦凡士卒之資糧靡屨莫不在

宵旰廛注之中前此慮帶兵將弁例外需索固已

嚴飭疆臣毋為濫應茲復念調派之索倫兵丁等衝
寒載道

特諭沿途給予飲食飽暖視投膠挾纊之恩奚啻相
去霄壤節浮費以

施實惠

恤吏隱而勵戎行俾將士感激師旅飽騰有不爭先
致果者乎

同日鄂輝又奏言竊照西藏道途險遠糧運維

艱仰蒙

皇上厘念軍儲節奉

諭旨飭令妥為籌辦臣於途次卽經屢飭西藏糧員

重光並噶布倫等在前後藏廣為採買先據該

糧員等稟稱除存倉稞麥並自行採買糶糶共

三千五百四十石外噶布倫等共辦有糶糶四

萬一千石牛羊在外嗣復據後藏仲巴呼圖克

圖辨有糶糶三萬石茲臣到藏查詢均與所報

無異雖糶糶分貯各寨落一時未及查齊而該

噶布倫等感激

天恩實心報効斷不致稍有短缺次日往見達賴喇

嘛傳宣

諭旨該喇嘛不勝感悅據稱本年因廓爾喀滋擾後

藏地方仰煩

大皇帝聖心派調官兵不遠數千里到此勦辦合藏

僧俗人等無不共沐

鴻慈凡有百姓存糧除口食之外俱應買作官兵口

食現在前後藏盡力籌備共有糶糶七萬餘石

以資應用不敢缺悞等語臣查西藏一帶不產

米糧各番民均以糶糶為飯茲既辦有七萬餘

石卽明春大舉統計官兵一萬餘人亦足以供

支應前經署督臣孫士毅

奏請於成都雅州邛州等處撥碾米二萬石陸續

運鑪預備運送察木多接濟西藏兵食查察木

多係自鑪至藏適中之地米石運至該處所費

已屬不貲若由該處再運西藏尙有一半程途

運價更覺繁重今西藏既經辦有糶糶足資兵

食所有內地米石卽可酌量停止現已飛咨孫

士毅酌辦以歸節省至糶糶分存各處遠近不

同將來大兵會合進攻自應隨軍轉運現在督

同鹽茶道林儁確查道路情形後藏以前拉子

地方爲來往通衢擬將各處存糧陸續運送拉

子多爲存貯卽日官兵分路進剿有一路軍營

卽需一路糧運臨時酌核兵數之多寡道里之遠

近委員安設糧臺雇備烏拉更番運送務期源

源接續以裕軍儲奏入報

聞

十四日甲寅勒保奏言臣查西寧口外連日以來

天氣晴和並據節次差往西探路徑之人稟稱

青海界內現在尙無大雪河道均已凍結可以

坦行無阻一路水草雖值冬雪草枯之時尙可

大牧放即遇大雪稍有停待現今酌帶料豆自可

奏無虞缺乏等語今福康安於十二月初一日自

西寧起身臣隨將挑就營馬逐一點交令隨從

之侍衛章京等騎帶前往所有口糧鍋帳均係

駝隻運送其應需之燒柴料豆等件亦俱寬為

備帶馱運前往中途不致稍有短缺臣一路照

料同行於初三日送福康安至阿什罕頭臺次

早起身前進仰賴

皇上洪福天日晴和並無風雪從此直抵西藏自可

早奏膚功仰慰

聖懷奏入

上命軍機大臣傳諭福康安海蘭察勒保曰據勒保奏西寧口外連日天氣晴和青海一帶現在尙無大雪水草不致缺乏等語覽奏深爲欣慰至西寧

早路勒保等預備馬匹駝隻甚多又奎舒令扎薩

克辦馬四千匹現在復據奎舒奏札薩克王公獻

馬一千匹是該處所辦馬匹已屬寬然有餘福康

安此時由青海赴藏輕裝減從所用馬匹甚少其

預備多餘馬匹留存等候未免徒費喂飼業經降

旨諭令福康安酌量途次情形咨會勒保或令海

蘭察同巴圖魯侍衛章京等趁此多餘馬力卽行

隨後啟程以便抵藏後帶兵剿賊今思口外一帶
 近日天氣較往年和暖途中水草不致缺乏且海
 蘭察所帶巴圖魯侍衛章京等不過百餘人所騎
 馬匹亦屬無多若俟福康安信未免又稽時日著
 傳諭海蘭察與勒保商酌帶同巴圖魯侍衛章京
 卽照在內地行走起數由西寧啟程進發可以及
 早到藏至索倫達呼爾兵現已陸續到京于本月

二十外可以起身計抵西寧後已屆春融該處馬
 匹備辦寬餘卽著勒保令帶兵之烏什哈達岱森
 保率領兵丁隨到隨行以期迅速抵藏若彼時賊
 匪尙在聶拉木等處邊界逗遛正可令海蘭察等
 帶領此項勁旅直前追剿更可將賊衆殲戮無遺
 而藏內僧衆番俗人等見有官兵早到人心亦可
 鎮定于剿捕機宜實爲得力

十五日乙卯鄂輝奏言臣等赴藏剿賊心急如焚

而惟口外烏拉各土司喇嘛所管地方大小不一
寬裕者隨到即可應付而地方褊窄者所產烏
拉祇有此數必須俟前起轉回方可應付後起
臣督率屯番五百名前後行走即在裡塘恩達
碩板多等處耽擱兩三日不等設法辦理方得啟
行官兵騎馱大半俱給牛隻因此愈難趕站今

臣於十一月十四日抵藏屯番於十六日到齊

後起官兵亦經孫士毅與臣前後兩路嚴催總

兵張芝元所帶頭起屯練於十一月初六日甫

從察木多起程約計月底月初方可到藏查察

木多以西均係達賴喇嘛所管地方所派倉儲

巴營官多不得力臣已告知達賴喇嘛及濟隴

呼圖克圖等速派明幹曉事之人前往更換以

資照料自鑪出口各土司均飭臺站文武於兵
差未來之先預發脚價令其早爲雇備俾利後
起軍行奏入報

聞

二十日庚申福康安奏言竊臣自本月初六日由

西寧起程輕裝減從取道前進自當噶爾東廓
爾一帶經過阿什罕喀爾噶圖賀爾差吉口各

臺地勢漸高山上舊存積雪微覺崎嶇並有山
嵐瘴氣早晚行走每致頭暈氣喘惟沿途有草
處所未被雪壓足供牧飼之用本日已至貢額
夫以爾吉地方口外道里頗長不能併站僭行然總
皇上儘一日馬力迅速行走並不拘安設臺站地方
住牧自出口以來仰賴

聖主洪福天氣清明午間氣候尙和與內地相仿實

聖主邊外所罕見前途若無冰雪阻滯可期早抵藏地至經過各蒙古地方該旗王公台吉等恭聞皇上護衛黃教特派將軍進剿廓爾喀無不感激天恩懽欣迎候紛紛不絕且有蒙古人等於駐牧之次爭先代爲收放馬匹檢尋糞草臣俱面爲獎勵酌加賞賚該蒙古等更爲踴躍並經郡王索諾木多爾濟親自赴臺稽查督率伊屬下坐臺

備旨蒙古常川在臺伺候不致貽悞所辦馬匹均已

陸續辦齊察看該札薩克等爭先趨事情形實

因受

恩深重感激圖報出於至誠並未稍形畏累之意至

口外新設臺站業經以次安設弁兵等均係裹

帶口糧牧放馬匹毋庸虞缺乏今由青海赴藏傳

送文報均關緊要自應仍遵前奉

諭旨安設未便復行撤回至賊匪自札什倫布竄回
後尙留餘賊在興薩山均及定結第哩浪古等
處屯聚固因大雪封山歸路阻絕且恐賊匪探
知大兵未到思在附近地方潛匿佔據希圖窺
伺亦未可定成德鄂輝帶領屯練兵丁等先後
行抵藏內自必欽遵

諭旨直前進剿臣到彼後卽行整頓兵力相機深入

上諭示以軍威俾知震懾至草地情形查明尙可行

走臣既由此路前進海蘭察及巴圖魯侍衛章

京等亦卽可遄行且賊匪尙未竄回成德鄂輝

如能帶兵前進痛殲賊衆固屬甚善倘賊匪尙

在抗拒一時未能得手臣到彼後直前追剿帶

兵亦屬需人臣現已知會海蘭察並後起巴圖

魯侍衛章京等徑赴西寧卽行出口其索倫達

呼爾兵丁亦令由青海前進計算該兵丁等到西寧時已屬春融行走更爲順利所有各起應用之馬匹口糧等項臣在西寧時知勒保預爲籌備諸事定有章程緩急得當海蘭察等及後起兵丁一到西寧即可隨到隨行迅速赴藏奏入

上諭內閣曰此次福康安等前赴衛藏由青海行走從前奎舒奏報情形未免存畏難之見嗣經勒保馳赴該處督率所屬調度籌辦所有駝馬軍裝口糧柴薪等項一切預備齊全足敷應用且口外一帶應設臺站不分疆界亦經分派各員查照舊日章程逐站安設俾郵遞得以迅速辦理諸事井井有條實屬可嘉勒保著加恩給予太子太保銜以示優獎至青海衆王札薩克等感激朕恩官兵所

金定厚爾喀紀略 卷十一
需馬匹迅速供應而索諾木多爾濟又親往新站
巡查實屬奮勉朕心實爲嘉悅索諾木多爾濟著
賞親王職銜以示鼓勵其餘効力札薩克等著勒
保一併查明具奏再行分別獎恤

上命軍機大臣傳諭福康安勒保曰福康安奏稱出
口以來天氣晴朗午間氣候與內地相仿爲邊外
所罕見等語青海一路一交冬令向屬嚴寒今氣

候和暖草地未被雪壓足供牧飼得以遄行無阻

此實

此實

上天嘉佑欣慰之餘倍深敬感至所稱山嵐瘴氣早晚
行走每至氣喘頭暈朕心深爲繫念現在正值隆
冬想瘴氣當不至過甚福康安此摺係于本月初
九日拜發計出口行走已及一旬過此前進自當
一切順適人衆是否均各平安想此旨到時已距

藏不遠惟望福康安早抵該處查明賊匪確實情
形迅速馳奏以慰盼望又摺內稱口外臺站業經
安設及知會海蘭察等不必暫住西寧等候索倫
達呼爾兵丁竟由西寧卽行出口其索倫達呼爾
兵亦令由青海前進所見俱與朕節次所降諭旨
相同實屬可嘉本日正值封篆之期接到此奏朕
懷嘉悅具見事機順利佳兆先徵迓歲迎禧倍增

喜慶特解親佩荷包一個以賜用示優眷

臣等謹案天人協應之理捷於影響我

皇上命將興師遠赴西藏勦辦廓爾喀賊匪所以護
衛黃教綏輯邊隅仰惟

聖主如

天之仁如
天之福自足感孚

吳眷茲福康安由西寧起程前往青海一帶以嚴冬之
時經洹寒之地若遇冰雪差峩萬難攀陟乃
自出口以後前旌所指氣候晴和爲邊外所
罕覩從此遄行無滯足徵

上蒼篤祐吉兆先呈膚功自符操券至蒙古王公台吉
等涵濡

德化淪浹有年此次照料軍臺預備馬匹等事是其

忱念微勞

皇上聖慈獎諭錫以親王之銜其札薩克等亦皆

溫綸並逮是以身受

渥恩者益知感激奮勵而共深敵愾同仇之義也

欽定廓爾喀紀畧卷十二

其恩皆益喉煎煇燄而共夥爾爾同公之獲也
其餘並盤景以集安
多念辦也
皇土聖慈與爾爾以歸王之治其林爾爾等亦皆

欽定四庫全書

紀略卷十三

